



7202/3-120/21 2 12072021

7202/3-120/21

12-07-2021

საქართველოს ფინანსთა სამინისტროს


საქართველოს კონსტიტუციის 43-ე მუხლის პირველი პუნქტისა და საქართველოს პარლამენტის რეგლამენტის 148-ე მუხლის შესაბამისად მოგმართავთ საქართველოს პარლამენტის წევრის კითხვით

1. მედიაში გავრცელებული ცნობებით, სათამაშო ბიზნესის კონტროლისა და მონიტორინგის სისტემის დანერგვის პროცესში დახმარებისთვის 2018 წლის სექტემბერში შემოსავლების სამსახურმა საკონსულტაციო კომპანია დაიჭირავა. რა თანხა დაიხარჯა საკონსულტაციო მომსახურებაში, რა რეკომენდაციები გაიცა კომპანიის მიერ და რა მიმართულებით გაუმჯობესდა სათამაშო ბიზნესის მონიტორინგი ქვეყანაში?
2. გთხოვთ მომაწოდოთ 2017-2021 წლებში ფინანსთა სამინისტროს სათამაშო ბიზნესის სამმართველოში დასაქმებული ადამიანების საერთო რაოდენობა ჩაშლილად წლების მიხედვით.
3. გთხოვთ მომაწოდოთ 2017-2021 წლებში ფინანსთა სამინისტროს სათამაშო ბიზნესის სამმართველოს თანამდებობის პირებზე გაცემული თანამდებობრივი სარგოს, პრემიების, დანამატების საერთო რაოდენობა წლების მიხედვით და ჩაშლილად სტრუქტურული ერთეულების და წლების მიხედვით.
4. გთხოვთ მომაწოდოთ 2017-2021 წლებში ფინანსთა სამინისტროს სათამაშო ბიზნესის სამმართველოს საქმიანობის ანგარიში, ინიცირებული კანონპროექტები და სხვა ტიპის ინიციატივები.
5. გთხოვთ მომაწოდოთ 2019 წლის პირველი იანვრიდან 2021 წლის 30 ივნისის ჩათვლით სათამაშო ბიზნესის მიერ (კაზინო, ტოტალიზატორი, სლოტ-კლუბი და ა.შ.) გადახდილი გადასახადები ჯამურად და ჩაშლილად წლების და გადასახადის ტიპების მიხედვით. (სამორინეს მაგიდაზე, სათამაშო აპარატზე, წამახალისებელ

გათამაშებაზე, სისტემურ-ელექტრონული ფორმით მოწყობილ თამაშობაზე, ლატარიების მოწყობაზე, აზარტული ან/და მომგებიანი თამაშობის მოწყობის ნებართვით ორგანიზებული ობიექტის გარეთ განთავსებული, სისტემურ-ელექტრონული ფორმით მოწყობილი აზარტული ან/და მომგებიანი თამაშობის თითოეულ სალაროზე, კლუბის მაგიდაზე და სხვა გადასახადები არსებობის შემთხვევაში (მაგ: ონლაინ სამორინე, ონლაინ ტოტალიზატორი და სხვა)).

პატივისცემით,

პარლამენტის წევრი
მამუკა ხაზარაძე





საქართველოს
ფინანსთა მინისტრი
Minister of Finance
of Georgia



<https://edoc.mof.ge/public/#/>

126384-08-03-2-202110201738

N 08-03/126384
20/10/2021

საქართველოს პარლამენტის წევრს
მამუკა ხაზარაძეს

ბატონო მამუკა,

თქვენი 2021 წლის 15 ივლისის №7431/3-120/21 და 18 ოქტომბრის №10492/3-120/21 წერილების პასუხად, დანართის სახით გიგზავნით ინფორმაციას საქართველოს ფინანსთა სამინისტროს მმართველობის სფეროში შემავალი სსიპ - შემოსავლების სამსახურის მიერ 2016 წლის იანვრიდან 2021 წლის ივნისის ჩათვლით აზარტული და სხვა მომგებიანი თამაშობების ნებართვის მფლობელ პირთა სანებართვო პირობების შერჩევითი შემოწმებების შესახებ.

ამასთან, დამატებით გაცნობებთ, რომ COVID-19 პანდემიის გავრცელებასთან დაკავშირებით ქვეყანაში დაწესებული შეზღუდვების გათვალისწინებით, 2020 წლის 21 მარტიდან 2021 წლის 1 აპრილამდე (აჭარის რეგიონში - 2021 წლის 1 მარტამდე) აზარტული და მომგებიანი თამაშობების (გარდა წამახალისებელი გათამაშებისა) მომსახურების მიწოდება ნებადართული იყო მხოლოდ ელექტრონული ფორმით, შესაბამისად, ამ პერიოდში აზარტული და მომგებიანი თამაშობების ფიზიკურად მოწყობილ ობიექტებს შეჩერებული ჰქონდათ საქმიანობა.

დანართი: 1 excel დოკუმენტი.

პატივისცემით,

ლამა ხუციშვილი

მინისტრი



2016 - 2021 წლებში განხორციელებული სანებართვო პირობების შერჩევითი შემოწმებები

ნებართვის სახე	2016	2017	2018	2019	2020	2021 (იანვარი-ივნისი)
ტოტალიზატორი	190	86	109	98	23	15
სათამაშო აპარატების სალონი	168	72	126	115	14	11
სამორინე	47	7	26	21	2	0
ლოტო	6	4	7	3	1	0
ბინგო	11	7	8	5	1	1
აზარტული კლუბი	4	0	1	3	0	0
წამახალისებელი გათამაშების მოწყობა	41	64	69	44	5	1
ჯამი	467	240	346	289	46	28